



basic education

Department:
Basic Education
REPUBLIC OF SOUTH AFRICA

NATIONAL SENIOR CERTIFICATE

IBANGA 12

XHOFA.1

ISIXHOSA ULWIMI LOKUQALA OLONGEZELELWEYO (FAL)

IPHEPHA LOKUQALA (P1)

FEBRUWARI/MATSHI 2017

AMANQAKU: 80

IXESHA: liyure 2

Olu viwo lunamaphepha ali-12.

MORNING SESSION

IMIYALELO NENGCACISO

1. Eli phepha lemibuzo linama CANDELO AMATHATHU angala:

ICANDELO A:	Uvavanyo lokuqonda	(30)
ICANDELO B:	Ushwankathelo	(10)
ICANDELO C:	Izakhi nemigaqo yokusetyenziswa kolwimi	(40)

2. Phendula YONKE imibuzo.
3. Qala ICANDELO NGALINYE kwiphepha ELITSHA.
4. Krwela umgca ekupheleni kwe CANDELO NGALINYE.
5. Nombola iimpendulo zakho ngokuchanekileyo ngokwendlela yokunombola esetyenzisiwego kwiphepha lemibuzo.
6. Shiya umgca emva kwempendulo nga NYE.
7. Qwalasela ngokukodwa upelo nolwakhiwo Iwezivakalisi.
8. Lingcebiso malunga nolwabiwo Iwexesha:
- | | |
|-------------|-------------------|
| ICANDELO A: | Imizuzu engama-50 |
| ICANDELO B: | Imizuzu engama-30 |
| ICANDELO C: | Imizuzu engama-40 |
9. Bhala ngokucocekileyo nangokucacileyo.

ICANDELO A: UVAVANYO LOKUQONDA**UMBUZO 1**

1.1 Funda esi sicutshulwa singezantsi uze uphendule imibuzo elandelayo.

ISICATSHULWA A**ISIPHELO**

- 1 Yonke into enesiqalo kufanelekile ukuba ibe nesiphele njengokuba nento ephilayo kufuneka emva kwexesha elithile iphelelwe bobo bom ibuphilayo. KwaXhosa kuthiwa into engapheliyo iyahlola. Kuzo zonke izinto ezinesiqalo neziphilayo akukho nanye kuzo eya kusiphepha siphepheke ngokupheleleyo isiphele. Zonke ke izinto ezikhoyo 5 zithambekela esiphelweni zithanda zingathandi.
- 2 Kukho abantu abanesiphiwo sokuyincekelela into xa beyiqalile baqiniseke ukuba bayafikelela esiphelweni sayo. Akukho nto imbi njengokuba umntu aqale into ayiyeke phakathi okanye esithubeni agqithele kwenye nayo eza kuiyeka engayigqibanga. Umntu obaluleke 10 ngokungaggibi nto ubaluleke ngento embi yaye kufuneka amawabo athethe naye bucala amcenge ukuba azilumle kuloo mkhuba. Enye indoda yakha yabalisa ukuba ekukhuleni kwayo kwakukho umakhi owayedume kunene ngokuba nesakhono kumsebenzi wakhe wokwakha. Isandla esihle saloo makhi sasiphoxwa yinto nje enye 15 yokuba umfo lo akukho sakhiwo wayekhe asigqibe kungaxanjuliswananga naye kangangokuba **ngamanye amaxesha** kude kuiwe ezinkundleni zamatyala, enyanzelwa ukuba awugqibe awuqolishelise umsebenzi wakhe. Eneneni wayenyanisile lo wadiza ukuba akukho nto abakhi abaninzi abadume ngayo njengokuvukwa 20 ngumtha wedolo iindonga zezindlu abazakhayo zingaxhonywanga.
- 3 Lo makhi wayekhokhelisa ukuhlawulwa imali yokuqamangela lowo ufuna ukwakhelwa, imali eyaziwa ngokuba *yideposit* ngolwimi Iwasemzini. Akufumana esi sixa-mali wayesebenza kuquhum' uthuli, aphaxazise udaka, eqamele ngamaqhetseba angaqondakaliyo kanti loo 25 msebenzi yayikukuqukeza nje komntu onamaqhingga nolele emqokozweni. Abantu babesithi besajonge umakhi osisinxada-nxada asuke aphel' emehlwani eyokugqumza kwenye indawo. Kwezo zindlu wayezakha loo makhi ezinye zazo wayezishiya ziseziziza nje ezingenakwenzela nto mntu ngaphandle nje kokuba ngamaziko 30 okubasela abafazi ngomhla wetheko. Ezinye wayezishiya zizindonga eziphakamileyo zokunceda abantwana abadlala undize. Zazikho ke nezo wayezishiya engazigqibanga ukuzixhoma zincede indoda ethanda imfuyo yayo ngokuyivalela aphi xa izulu lisibekele, lizisa kakubi.

4	Kuyabonakala ukuba into engaggitywanga iyakwazi ukujikwa phantsi kweemeko ezithile iqhutywe iye kuphuma kwinkalo eyayingamiselwanga kuphuma kuyo. Umntu angaqlisa ukwenza idyasi kodwa ngenxa yokungabinawo umonde nentumekelelo yokuqhubela phambili loo msebenzi awuqalileyo ingaggibela loo dyasi sele iyibhatyi. Nomntu onobungcali bokubumba umdongwe uyakwazi ukuqalisa esenza umphanda koko agqibele sele encamele ekwenzeni ingcaza engacacanga nobo bungcaza izingca ngabo.	35
5	Linokuba liyinene elokuba phantse kwimizi yonke zikho izinto ezaqalwayo koko ngenxa yezizathu ezithile azaggibeka. Omnye umfo owayekuthanda gqitha ukucheba wayekhe ababize abantwana bakhe abalithoba babe luthotho phambi kwakhe, bethozamele ukuchetywa. Wayethi esacheba owokuqala atsalwe ziinwele zomnye amshiye phakathi lowo ebesele equalisile ukumcheba kanti uya kude ayokufika kowokugqibela kungekho namnye amchebe ngokufanelekileyo nangokugqibeleyo. Aba bantwana babeba lilifa lentsini koogxa babo sel' engekho lowo wayebagunde ngathi bashiywe amatshanda ngamagundwana.	45
6	Apha ebomini kuyafuneka ukuba umntu aziqhelise ukuyigqiba into ayiqalileyo kuba xa angakwenzi oko igqibela seyifana nesibetho into yokungaggibi nto. Omnye umfo wathunyelwa ngabazali bakhe ukuba aye kufundela uMthetho kwiDyunesithi yaKwaZulu. Wachitha nje iminyaka emibini apha waqhawula ngokungekho mthethweni engawuggibanga loo Mthetho. Waya kuwa kwiDyunesithi yaseKapa apha wafika wafunda ezoQoqosha nakuba wayengabonakali ekwazi kwakuqoqosha impahlia le yakhe. Wagqiba iminyaka emibini nalapho wavukwa likakade lakhe engazigqibanga ezo zifundo zoQoqosha kanti engaqokelelanga nanye into eqokelelwa ngumfundu oneenjongo zokuba sisithwala-ndwe ngokuthwesa isidanga. Waya kwiDyunesithi yaseRhodes, eRhini, apha wafunda ubuNtatheli kodwa wachitha apha iiiveki nje ezimbini wemka engenabhongo eqonda ukuba usukele intak' endala esithi lithole. Kolandela lowo unyaka waya eFort Hare apha wazama izifundo zoLimo koko lamphosa nelo thamsanqa kuba enesibetho sokungaggibi nto. Sibhala eli nqaku nje ngoku useRhini kwisikolo soqequesho bufundisi esaziwa ngokuba yiCollege of the Transfiguration. Nalapho akahlalanga koko uxhwarhe ngempundu enye ngeli xesha esalaqaza okukanogqaza ukuba uza kuwa kweyiphi indawo.	55

[Sithathwe kwincwadi ethi *Imfinca-mfincane* ebhalwe nguLL Ngewu; iphepha 38–39]

Jonga kumhlathi 1

- 1.1.1 Xela ukuba athini amaXhosa xa into ingapheli. (1)
- 1.1.2 Tolika intsingiselo yesivakalisi esibhalwe ngqindilili. (1)
- 1.1.3 Nika isichasi segama elikrwelelwego umgca ngaphantsi ngokomxholo wesi sicatshulwa. (1)

Jonga kumhlathi 2

- 1.1.4 Khankanya into eyayiphoxa isandla salo makhi. (2)
- 1.1.5 Chaza ukuba cebo lini elinokwenziwa ukunceda umntu ongazigqibyo izinto. (1)
- 1.1.6 Xela inqanaba lokwakha apha abakhi bathi baphathwe ngumtha wedolo xa besakha. (1)
- 1.1.7 Chonga ibinzana elithetha umsebenzi omhle ngokwakulo mhlathi. (1)

Jonga kumhlathi 3

- 1.1.8 Bhala isifanokuthi segama, 'ngamaqhetseba'. (1)
- 1.1.9 Wayebaqamangela njani abafuna ukwakhelwa lo makhi? (1)
- 1.1.10 Xela ukuba ibinzana '... aphel'emehlweni' lisisaci na okanye liqhalo. (1)
- 1.1.11 Caphula ubungqina bokuba izindlu ezingaggitywanga zaziyinceda indoda ethanda imfuyo. (1)

Jonga kumhlathi 4

- 1.1.12 Nika ingcamango ephambili yalo mhlathi. (2)

Jonga kumhlathi 5

- 1.1.13 Ngqina ukuba isiphumo sokushiywa kwabantwana bengaggitywanga ukuchetywa sasingalunganga. (2)

Jonga kumhlathi 6


- 1.1.14 Dwelisa izifundo zibe ziBINI awazifunda akazigqiba umfo ekuthethwa ngaye kulo mhlathi. (2)
- 1.1.15 Caphula amabinzana amaBINI athetha ukuba lo mfo useza kuhamba nakwiCollege of the Transfiguration. (2)

Kwitekisi yonke

- 1.1.16 Chaza ukuba esi sicatshulwa singaziguqula njani iingqondo zabantu abangazigqibyo izinto abazenayo. (2)
- 1.1.17 Xela ingcamango edlelelelayo efumaneka kwesi sicatshulwa. (2)

1.2 Funda lo mfanekiso ungezantsi uze uphendule imibuzo elandelayo.

ISICATSHULWA B: OKUBONWAYO



[Uthathwe ku-www.google.images.com waze wahlelwa]

1.2.1 Khetha impendulo echanekileyo: Ukuqinisa umlomo kumntu woku-1 kutyhila ntoni kwezi?

- A Ukuzimisela
 - B Ukungafuni
 - C Ukunqena
 - D Ukuzisizela
- (1)

1.2.2 Yintoni eluphawu lwenqanaba lemfundo anayo utitshala? (1)

1.2.3 Xela izini zabantwana abakulo mfanekiso. (2)

1.2.4 Nika umyalezo odluliswa ngulo mfanekiso. (2)

AMANQAKU ECANDELO A: **30**

ICANDELO B: USHWANKATHELO**UMBUZO 2**

Funda esi sicutshulwa silandelayo, ze usishwankathelo unike iimpawu ezinqwenelekayo kwintombi eza kuzekwa. Shwankathela ngokwemo yokudwelisa iingongoma. Landela le miyalelo xa ushwankathela:

1. Chonga iingongoma eziphambili ezisi-7 ubude bungadluli kuma-70 amagama.
2. Zidwelise ngendlela ehambelanayo, ngamazwi akho ungawulahlanga umxholo.
3. Bhala inani lamagama owasebenzisileyo kwizibiyeli ezantsi kwestishwankathelo.
4. Upelo, iimpawu zobhalo nokusetyenziswa kolwimi maluchaneke.

ISICATSHULWA C**INTOMBI ENDINQWENELA UKUYIZEKA**

Zininzi izinto ezijongwayo phambi kokuba umfazi eze emzini. Indawo yokuqala ekufuneka iqwalaselwe entombini sisimilo nokuzola. Ukuba asikho isimilo emntwini usuka afane nqwa nehagu. Sithi sakudingeka kuvele ezinye izinto ezinjengekratshi, ukuziphatha kakubi, njalo njalo. Umfazi ongenaso isimilo usisiqalekiso emzini wakhe uphela.

Indawo yesibini, yingqondo yakhe ukuba injani na, uyakwazi na ukuyibona into entle nembi. Ukuba ingqondo yakhe ikrele-krele woba ngumfazi olungleleyo, nokwaziyo nalapha emzini wakhe ukudibanisa imihlambi eyalanayo.

Enye indawo ekufuneka ingadingeki emfazini kukukhuthala. Intle into yokuba umfazi acocke, umzi ube mhle, apheke umzi ube shushu ngenxa yakhe. Uthi ukuba ulixelegu, umhambi abone kwangezindlu nebala, ngathi akuhlali bantu. Wakungena endlwini ufika kumdaka umfazi kwanentsapho nendlu ngokwayo. Yiloo nto inkuthalo ibalulekile emntwini oza kwenda.

Ubuhle nabo bunendawana obungena kuyo, kuba nabani na akanako ukuze ka intombi engxolisiwego nangenakuyikhomba phakathi kwabantu.

Kuyafuneka abe noqoqosho, angadyiwazi imali, athi xa ukutya bekusele ngezolo angakulahli enze olunye udidi lokutya ngako. Umfazi ongenalo uqoqosho uyawuchitha umzi kuba kakade imali ngunozala weengxabano.

Kwimihla ekhoyo nemfundo kufuneka ingadingekanga emfazini, nokuba asiyomfundo iphakamileyo. Asiyonkqubela phambili into yokuzeka iqaba elingazange liwubone umnyango wesikolo. Abanye ke basuke bacinge ukuba ukufunda yiyona nto iphambili ukanti ke yenze yezinto ezifunekayo.

Inyameko nayo ibalulekile. Intombi efika emzini kufuneka ifunde izimo zabantu efikele kubo. Oku akwenzeki ngexeshana elifutshane. Njengoko sendikhe ndathi akukho nzwana ingenasiphako, kunzima ukuba umfazi abenazo zonke iimpawu ezilungleleyo. Kodwa ubukhulu becalo ezi zikhankanyiwego sezona zingundoqo.

[Sithathwe kwincwadi ethi *iimvamvanyo ZesiXhosa ebhalwe* nguMS Siwundla iphepha 69; saze sahlelwa]

AMANQAKU ECANDELO B:

10

ICANDELO C: IZAKHI NEMIGAQO YOKUSETYENZISWA KOLWIMI**UMBUZO 3: ISIBHENGEO-NTENGISO**

Funda esi sibhengezo-ntengiso uze uphendule imibuzo elandelayo.

ISICATSHULWA D

[Uthathwe kwiBONA; Februwari 2014; iphepha 76 walungiselelwawa uviwo]

- 3.1 Bhala isilogani sesi sibhengezo-ntengiso. (1)
- 3.2 Chaza ukuba sijoliswe koobani esi sibhengezo-ntengiso. (1)
- 3.3 Xela umsebenzi welogo kwizibhengezo-ntengiso. (1)
- 3.4 Caphula isivakalisi esisetynziswe ngenjongo yokuqinisekisa abathengi ngokulunga kwale mveliso. (1)

- 3.5 Xela igama lale mveliso ithengiswayo. (1)
- 3.6 Nika iindlela zibe MBINI ekunokuqhagamshelwana ngazo nabakwaRainbow. (2)
- 3.7 Ingaba lo mfanekiso wenkwenkwe evule umphako uyahambelana nomyalezo wesi sibhengezo-ntengiso? Xhasa impendulo yakho. (2)
- 3.8 Khetha umsebenzi wesihlomelo esikrwelelwe umgca ngaphantsi kwesi sivakalisi singezantsi.

Zenziwe ngeyoqobo inyama yenku!

- A Kukuchaza isibizo.
- B Kukuchaza isenzi.
- C Kukucacisa isenzi.
- D Kukucacisa isibizo.

(1)
[10]

UMBUZO 4: UKUCAZULULA IKHATHUNI

Funda le khathuni uze uphendule imibuzo elandelayo.

ISICATSHULWA E



- 4.1 Dwelisa izinto zibe MBINI ezibonisa ukuba esi sibini sisekhitshini. (2)
- 4.2 Caphula igama elibolekwe kolunye ulwimi kwisakhelo 2. (1)
- 4.3 Khetha impendulo echanekileyo kwezi zilandelayo. Kwisakhelo soku-1 kusetyenziswe ielipsisi ngenjongo ... yokubonisa.
- A intetho ecatshulweyo
 - B ukunqumama kwesithethi
 - C ukushiyelelwu kolwazi
 - D kucaphula okungaggitywanga

- 4.4 Thelekisa izenzo zikaLizo kwisakhelo sokuqala nesethathu. (2)
- 4.5 Xela ukuba intetho engezantsi libinzana na nokuba sisivakalisi. 'Sukuzamisa kanjalo'. (1)
- 4.6 Ibonisa ntoni impendulo kaLizo ekwisakhelo sesi-3? (1)
- 4.7 Nika umyalezo odluliswa yile khathuni. (2)
[10]

UMBUZO 5

- 5.1 Funda esi sicatshulwa uze uphendule imibuzo ebuzwe kuso.

ISICATSHULWA F: IPROZI

'Tyhini! Wangathi ungunyana kaMiya nje? Ungubani? Thetha man sukundijonga ezinzwaneni,' ubuzile uGxakhweni kuLanga esikhululweni sikaloliwe.
 'Ayithethi na le nkwenkwe?' liphinde latsho ilizwi elirhabaxa.
 'Andiyonkwenkwe yakho,' uphendule uLanga eshukuma, *ihlandza* sisengxoweni.
 'Uyindoda? Kanene wadlula nini umguyo wakho? Wabuza uGxakhweni ephuma, ezenza umntu okroba uloliwe ovela ngaseMthatha. Ubuye selehleka ngoku ecela nengxawa kuLanga.
 'Anditshayi, mhlekazi,' ulandule obecelwa.
 'Phofu uya phi nempahla engaka?'
 'Ndikwindlela esinga eDikeni.'
 'Yintoni khona kule misebenzi ingaka elapha yezifundiswa?'
 'Ndiya kufunda.'
 'Eyiphi incwadi?' Kwee cwaka?
 'Ndiyokuqala eyeshumi elinambini.

[Sicatshulwe kwincwadi, 'Ulwimi IwesiXhosa' nguHW Pahl nabanye, iphepha lama-114. Yaze yalungiselelwego.]

- 5.1.1 Xela ukuba lisisiphi isigaba sentetho igama elibhalwe ngqindilili kwisicatshulwa. (1)
- 5.1.2 Nika uhlobo Iwesenzi esinomgca ngaphantsi kwesi sivakalisi.
Thetha man sukundijonga ezinzwaneni. (1)
- 5.1.3 Bhala esi sivakalisi singezantsi sibe kwimo evumayo Andiyonkwenkwe yakho. (1)
- 5.1.4 Bhala ngokuchanekileyo igama elibhalwe bukekela kwisicatshulwa. (1)

5.1.5 Guqla isimelabizo sokukhomba sodidi lokuqala esinomgca ngaphantsi kwesi sivakalisi sibe sesodidi lwasibini.

Ayithethi na le nkwenkwe. (1)

5.1.6 Bhala isivakalisi esingezantsi sibe kwimo ende.

... sukundijonga ... (2)

5.1.7 Xela isizathu sokusetyenziswa kukanobumba omkhulu kwigama elikrwelelwe umgca.

'Ndikwindlela esinga eDikeni.' (1)

5.1.8 Nika udidi lwasichazi esinomgca ngaphantsi kwesi sivakalisi.

Liphinde latsho ilizwi elirhabaxa. (1)

5.1.9 Khetha indlela esisetyenziswe ngayo isifanekisozwi esibhalwe ngqindilili kwezi zingezantsi.

Kwee cwaka:

- A Sisetyenziswe nesixando sokwenziwa.
- B Sisetyenziswe njengesihlomelo.
- C Sisetyenziswe sandulelwa yimo emfutshane ka 'thi'.
- D Sisetyenziswe safinyezwa kwixesha elizayo.

(1)

5.1.10 Bhala isifanokuthi segama elinomgca ngaphantsi.

'Ndikwindlela esinga eDikeni.' (1)

5.1.11 Bhala ngokuchanekileyo esi sivakalisi singezantsi.

UGxakhweni wambuza uLanga ukuba kanene wadlula nini umguyo wakho? (2)

5.1.12 Sebenzisa igama 'uloliwe' njengesenzi kwisivakalisi ukubonisa ukuba uuyayazi intsingiselo yaso eyahlukileyo kule ikwisicatshulwa.

(1)

- 5.2 Funda lo mfanekiso uze uphendule imibuzo elandelayo.

ISICATSHULWA G: UMFANEKISO



[Uthathwe kwiBONA; kaMatshi 2015 iphepha 46 walungiselelwa uviwo]

- 5.2.1 Chonga isenzi esinesimamva sesixando sokwenzela kwitekisi. (1)
- 5.2.2 Khetha isihlanganisi esichanekileyo kwizibiyeli uze uhlanganise izivakalisi ezingezantsi. (ukuba/ukuze)
Cwangciselangomso. Ube ngumntu onempumelelo. (1)
- 5.2.3 Yakha isivakalisi esikwixesha langoku ngokubona kulo mfanekiso. (2)
- 5.2.4 Bhala izivumelanisi ezichanekileyo endaweni yezinomgca ngaphantsi.
Ukucwangciselangomso buza neziphumo esihle. (2)

[20]

AMANQAKU ECANDELO C:	40
AMANQAKU EWONKE:	80

